

義烏縣志

卷卷卷

三二一

〔清〕王廷曾

康熙義烏縣志

義烏市志編輯部影印

## 重印康熙義烏縣志序

義烏市志編輯部成立以來，為完成新志編纂，多年致力於地方文獻之搜集，拾遺補闕，顯幽發微，成績斐然。近以影印《康熙義烏縣志》之役，徵及復旦大學圖書館藏本。猥以典書之便，與聞其事。承命略述康熙志原委，不敢固辭，謹述所知如次。

《康熙義烏縣志》二十卷，清王廷曾編。清康熙三十一年（1692）刻本。十六冊。每半葉九行二十一字，白口，四周雙邊，單黑魚尾。目錄下題「義烏縣知縣王廷曾手編」。此志據《中國地方志聯合目錄》著錄，現僅復旦大學圖書館、天津圖書館、天一閣博物館、上海圖書館四家收藏。由於天津館及天一閣所藏均為殘本，上海圖書館所存為膠卷，故復旦圖書館所藏乃唯一完帙。復旦藏本鈐有「慈谿馮可鏞藏書」白文、「蛟川方義路正甫氏所藏金石書畫之印」朱文、「吳興劉氏嘉業堂藏書印」朱文及「劉承幹字貞一號翰怡」白文印，可知此本自清代以來，先後經慈溪馮氏、鎮海方氏、吳興劉氏等浙江藏書家遞藏。

王廷曾，順天（今北京）宛平人。貢監出身，康熙二十七年（1688）選任義烏知縣。《嘉慶義烏縣志》卷九《宦蹟》記其人「性警敏，公務之暇，勤於興廢舉墜」，在任「增葺縣治譙樓東西廊，捐建大有倉，置漏澤園，倡建興濟橋屋，濬繡湖，新文昌橋之類，美不勝收，而刊宗忠簡、黃文獻、王忠文集，尤見仕優則學，為不可沒云」。

義烏縣志之纂修，始於北宋，歷元明屢有續修。宋代有元豐間鄭安平志、咸淳間黃應酥志。元至正間，邑人黃潛合宋代兩書而成至正志。明代正統、萬曆、崇禎間，縣志凡數修。至清康熙朝，又有十二年、二十七年、三十一年之續修。宋元所修《義烏縣志》均爲七卷本，明初續修曾有十卷本流傳，今均不存。明正統六年至十年，縣令劉同續修縣志，增爲十四卷，其書今亦不傳。萬曆二十四年（1596）縣令周士英續修縣志（記事止於同年），增爲二十卷（該志又稱『丙申志』），其卷數爲明末清初諸志所沿襲。如崇禎十一年（1640）縣令熊人霖續修縣志（記事止於同年），卷第門目，仍同萬曆志，僅增補萬曆後史實。崇禎志刊刻未久，明社即屋，鼎革之際，干戈滿地，其書後世流傳極罕，幾於湮沒。

王廷曾《康熙義烏縣志》，自謂係上繼萬曆志而重編：『至萬曆二十四年丙申，周侯士英修之，爲目五十有三，爲卷二十，經十五月而成。嗣後訂補改綴，皆循丙申之舊，而面目漸失，倫次多乖，且版毀而書亦少。今距丙申九十七年矣，積而成忘，則前蹤付諸餘燼，沿而不續，將後緒視若飄風。懷古之思既絕，興今之說成虛。廷曾特取而重編之。』此志記事止於清康熙三十年（1691），次年付刻。王氏續修此志，不僅取資明正統劉志、萬曆周志及崇禎熊志，亦已利用清康熙十二年、二十二年爲配合府志、省志及一統志編纂而成之《義烏縣志抄略》：『今所見者，惟萬曆丙申二十卷之志，周侯士英所輯，而本有二：一爲丙申原本，一爲崇禎庚辰送綴遞翻之本。初得庚辰本而闕五卷，繼得繕本，繼又得庚辰全本，繼乃得丙申原本，繼乃得正統五年以前十卷之殘本。而國朝康熙十二年以前至明崇禎庚辰，則見于侯漣之《抄略》；十三年至二十二

年，則見辛侯國隆之《抄略》。』自萬曆周志、崇禎熊志至康熙王志之廣續纂修，相隔年代均在四五十年左右，此與明清時代江南地區方志纂修之慣例相合。縣志五十年一修，不僅與社會治亂相循之實況相對應，也符合地方經濟文化發展史料亟待記錄之需要。

康熙志承續前志，具有體例嚴整、內容豐富之特色。書前刻有王廷曾《義烏縣志序》及舊志各序、《義烏縣志凡例》，又列「卷首」載縣圖十四，以下分為疆域、巖壑、典禮、營立、學校、祠祀、賦役、利病、官師、人物、見聞、方外、藝文各志。王氏所撰《凡例》，詳述卷目門類之分合改易，如「疆域志」原為舊志「方輿考」下類目，「巖壑志」為舊志「方輿考」下之「山川」，「營立志」為舊志之「經制考」，「祠祀志」原稱「秩祀」等。各志下門類亦多調整，又標舉原始、傳舊、增續、正譌、復合、存疑諸旨，頗見用心縝密、體例創革。康熙志記載義烏地方社會史實，多徵引古今典籍及檔冊文書，如利用《賦役全書》以見本縣戶口、賦役之增長，查考各省府志以增訂職官、選舉、宦蹟、人物等門紀錄，又自名賢如駱賓王、金涓、陳亮、宋濂、方孝孺、楊士奇、李東陽、謝遷、陶望齡、陳際泰諸家文集鈎稽義烏文獻，「要使無一事之不確，無一善之不彰，無一詞之不信，無一字之不飭」。康熙志史料豐贍，可供今人徵文考獻之助者俯拾皆是，不賢識小，試舉一二：

義烏鄉賢王子充，以文行著稱於明初，與宋濂、劉基等齊名，後奉使西南，抗節殉國，諡號忠文，名垂史冊。王氏之名，本作「禕」字，然明清以來史書文集，多有訛作「禕」者，因循未改。今人曾多所考定，以明其誤。康熙志中記載及於王氏者凡數十處，而無一不作「禕」字，足

見撰述刊刻之謹嚴不苟。

義烏赤岸鎮所產「丹溪酒」馳名遐邇，康熙志中亦可尋見相關記載，如卷十八《藝文志》中載明代邑人金德義《籲賜旌表幽貞疏》，記其曾祖自縣城遷居赤澣（即赤岸），曾祖母季氏，年二十七守寡，上事姑嫜，下撫稚子，備嘗艱辛，「自持杼辟繡外，頗釀酒佐生，由旦達暝，無息以休，駸駸有生意」，家境後由業釀酒而轉裕，遂周濟貧寡，培養兒孫讀書。其孫德義，萬曆間成進士，鄉人稱慕，謂「金寡婦樹德務滋，是其應乎」。據此記載，今日赤岸釀酒之戶，或許仍有「金寡婦」家之後裔遺存。

縣志乃地方史地文獻之淵藪，為生長繁衍於斯山斯水之後人，提供先民生活奮鬥之真實記錄。世人無分民族與地區，莫不眷懷桑梓，敬重鄉賢。《康熙義烏縣志》之重印流播，為今日努力從事現代化建設、創造歷史輝煌之義烏人民，增加一份寶貴鄉土教材，意尤深遠。身為鄉人，欣感之餘，謹貢蕪詞，敬志賀忱。

二〇〇六年歲末邑後學吳格識於復旦園

義烏縣志序

人臣叨一

朝宁爲心者也矧當

堯舜之世典謨宏備可不翼翼稟承乎日者  
下

明詔令直省各編通志通志成命儒臣彙修  
一統志今一統志成矣明臣李文正東  
陽曰東漢南陽撰作風俗之後郡縣始

各自爲志兼地里人物文章制度而有之而史之法略具顧史之地里文章制度核於職方之規格燦於制誥章奏之體製洞於兵農禮樂之條貫而歷郡而縣范模草略節目稀疎如三家之鄙談中書堂事食於耳者未徹於胸史之人物美惡內外皆收志則存美棄惡詳內遺外斯爲少異義烏故有志在元邑人

黃文獻潛志序中云始元豐鄭安平此  
邑令也任始二年而文獻云下及南渡  
以後必非其本書蓋猶後人之因前志  
而綴補之也又云咸淳續志出於潛之  
族曾孫漕貢進士應酥屬細高居士中  
輔之族孫號鐵巖嘗編華川文錄者然  
細高歿在宋秦檜後檜卒在紹興二十  
五年細高歿當是二十五六年鐵巖當

是開禧嘉定昔人前文獻生七十年鐵  
巖之生又先二十餘年疑是族曾祖所  
謂手彙與別本有異同亦未成書者此  
文獻所見之彙又見有別本也其文獻  
七卷之志成於元至正十三年本鄭侯  
鐵巖二書而於所闕之建置人物風俗  
戶口貢賦合以山川形勢久遠之事屬  
王忠文禕朱長史廉參之郡乘刪其繁

尤訂其舛誤當補書者引類增入附以辨證初以圖冠篇首此志實忠文長史所編而後傅廉使藻司校正焉此前志之第一本也而自至正十三年至明正統五年有十卷之志亦如鄭志下及隆慶而前闕五卷不知其撰人六年劉侯同有十四卷之志僅見朱給事肇序亦未見其書今所見者惟萬曆丙申二十

卷之志周侯士英所輯而本有二一爲  
丙申原本一爲崇禎庚辰迭綴遞翻之  
本初則得庚辰本而闕五卷繼得繕本  
繼又得庚辰全本繼乃得丙申原本繼  
乃得正統五年以前十卷之殘本而

國朝康熙十二年以前至明崇禎庚辰則見  
于侯漣之抄略十三年至二十二年則  
見辛侯國隆之抄略然抄者十不能一

而魯魚亥豕字譌頁脫無可準據卽順  
治丁酉之賦役全書亦不蒐入簡明多  
闕乃參府志并稽通志旣取宗忠簡及  
文獻忠文之集訂補編刻而又討駱侍  
御賓王金青村涓陳文毅亮宋文憲濂  
方正學孝孺楊文貞士奇李文正東陽  
謝文正遷陶文簡望齡陳大行際泰諸  
集合之甲子會記各省通志紹興諸志

互爲讐證又丙申志以先師廟人秩祀  
列女先義行有以選舉入雜科入蔭敘  
武科入武職有旣立傳而復詳注於表  
有增刪十卷之志而不宜增不宜刪有  
改移十卷之志而不宜改移有分而不  
宜分合而不宜合有稅糧同額而疊書  
或改正之或特揭之或省之仍之職官  
選舉訂而增之宦蹟前修方外竝多訂

定私文先於其人傳後附錄一二如忠  
文所云於郡邑之間取古今人之文而  
錄之使其人恃是以不朽卽遷固史家  
遺意而本志內復取前人文甚切於孝  
友忠貞文辭理學者增入一二其後人  
必擇其堪以追配前作者續之蓋從來  
求治化之原必本於編戶而發古今之  
覆不出於版章其於疆域巖壑營立學

校祠祀典禮賦役利病見聞方外諸項  
雜敘者揭之以表如眉之在列散述者  
乘之以格如索之串錢而官師人物藝  
文總以歸於性行理學勲績文章要使  
無一事之不確無一善之不彰無一詞  
之不信無一字之不飭特成之亟而文  
或未如其志至於詳養浩存二妙庶以  
存十卷之舊還先達補山南之述南稜

之狀晉卿彥脩審言之誌周卿應教諭  
之序標理學益回鑿登吳周之令闡月  
泉之蹤顯寓賢之跡且以展文獻忠文  
作志之心抑或補其所未逮自此望咸  
淳而溯元豐其間亦邇而去立縣之初  
一千三百一十五年前事亦漸可引端  
也蓋十二年之有抄也以

當路之徵志而錄之以上二十二年之有